

Na osnovu člana 3. Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“ br.36/08) i člana 11. Poslovnika o radu Nezavisnog odbora kao nezavisnog tijela policijske strukture Bosne i Hercegovine („Službeni glasnik BiH“, broj 93/09), i Odluke o o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine broj 03-34-6-36/10, Nezavisni odbor je na 4. sjednici, održanoj 22. 12.2009., donio

O D L U K U

o raspisivanju javnog konkursa za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine

I.

(1) Nezavisni odbor posredstvom stručne službe Sekretarijata Parlamentarne skupštine BiH, raspisat će Javni konkurs za provođenje procedure odabira kandidata na pozicije direktora i zamjenika direktora policijskih tijela Bosne i Hercegovine, i to:

1/01 Direktora Granične policije Bosne i Hercegovine

Broj izvršilaca : 1 (jedan)

1/02 Zamjenika direktora Granične policije Bosne i Hercegovine

Broj izvršilaca : 1 (jedan)

1/03 Zamjenika direktora Državne agencije za istrage i zaštitu

Broj izvršilaca : 1 (jedan)

1/04 Direktora Direkcije za koordinaciju policijskih tijela Bosne i Hercegovine

Broj izvršilaca : 1 (jedan)

1/05 Zamjenika direktora Direkcije za koordinaciju policijskih tijela Bosne i Hercegovine

Broj izvršilaca : 2 (dva)

(2) Mandat rukovodioca i zamjenika rukovodioca policijskog organa je četiri godine i može se obnoviti samo za drugi uzastopni mandat.

II.

Javni konkurs objavljuje se u „Službenom glasniku BiH“, „Službenom glasniku Brčko Distrikta BiH“, Dnevnom avazu, Glasu Srpske i Dnevnom listu, kao i na veb-stranici Parlamentarne skupštine BiH.

III.

Javni konkurs sadrži opće i posebne uslove iz člana 2. kao i tekst propisan odredbom člana 3. stav 3. te spisak dokumenata koji se prilažu uz prijavu propisano odredbom člana 4., Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine.

IV.

Ova odluka stupa na snagu danom donošenja.

Broj: 03-34-3-47/10

Sarajevo, 6.1.2010.

**PREDSJEDNIK
NEZAVISNOG ODBORA
Žiko Krunić**